



საჩუქრადგანთ წერიდი





სახელმწიფო აუდიტის სამსახური

სარეკომენდაციო წერილი

ქ. თბილისის მუნიციპალიტეტის ხელმძღვანელობას

**ქ. თბილისის მუნიციპალიტეტის 2021 წლის
ფინანსური ანგარიშგების ფინანსური აუდიტი**

7 მარტი, 2023 წელი

ქ. თბილისის მუნიციპალიტეტის მერს
ბატონ კახა კალაძეს

ბატონო კახა,

როგორც მოგეხსენებათ, სახელმწიფო აუდიტის სამსახურის მიერ ქ. თბილისის მუნიციპალიტეტის 2021 წლის ფინანსური ანგარიშგების აუდიტის შედეგად გაიცა პირობითი დასკვნა.

აუდიტი ჩატარდა უმაღლესი აუდიტორული ორგანოების საერთაშორისო სტანდარტების (ISSAI) შესაბამისად.

აუდიტის შედეგად გამოვლენილი ნაკლოვანებების საპასუხოდ, წარმოგიდგენთ ჩვენს რეკომენდაციებს და ხელმძღვანელობისთვის მნიშვნელოვან სხვა ინფორმაციას.

პატივისცემით,

ცოტნე ყავლაშვილი

გენერალური აუდიტორი

ტერმინები და შემოკლებები.....	2
1. რეკომენდაციები	3
საკონტაქტო ინფორმაცია.....	9

ტერმინები და შემოკლებები

მუნიციპალიტეტი – ქალაქ თბილისის მუნიციპალიტეტი.

მერია – ქალაქ თბილისის მუნიციპალიტეტის მერია.

ანგარიშგება – კონსოლიდირებული ფინანსური ანგარიშგება.

სააგენტო – სსიპ – ქონების მართვის სააგენტო.

სსიპ – საჯარო სამართლის იურიდიული პირი.

ა(ა)იპ – არასამეწარმეო (არაკომერციული) იურიდიული პირი.

მერიის საფინანსო საქალაქო სამსახური – ქალაქ თბილისის მუნიციპალიტეტის მერიის საფინანსო საქალაქო სამსახური.

სსზსს – საჯარო სექტორის ბუღალტრული აღრიცხვის საერთაშორისო სტანდარტები.

1. რეკომენდაციები

1.1 დებიტორული დავალიანებები

აუდიტის მიგნება

ა(ა)იპ – თბილისის განვითარების ფონდს და ა(ა)იპ – ქალაქ თბილისის გლდანი-ნაძალადევის კომპლექსურ სპორტულ ცენტრს ფინანსურ ანგარიშგებაში „სხვა მოკლევადიანი აქტივების“ მუხლში ასახული აქვთ მიმწოდებლისთვის ხელშეკრულებით განსაზღვრული სამუშაოების შესასრულებლად, წინასწარ გადახდილი თანხები. პასუხისმგებელი პირის განმარტებით, მიმწოდებლების მიერ სამუშაოები დასრულებულია, თუმცა ბუღალტრულ აღრიცხვაში დებიტორული დავალიანება არ არის ჩამოწერილი.

- ა(ა)იპ – თბილისის განვითარების ფონდს 2014 წლიდან ერიცხება 1,233,922 ლარი.¹
- ა(ა)იპ – ქალაქ თბილისის გლდანი-ნაძალადევის კომპლექსურ სპორტულ ცენტრს 2018 წლიდან ერიცხება 441,502 ლარი.²

ა(ა)იპ – თბილისის განვითარების ფონდს 2014 წლიდან ერიცხება დებიტორული დავალიანება – 3,271,337 ლარი.³ თანხის მიღების მიზნით საკითხი განიხილებოდა სასამართლოში, რაზეც 2021 წელს მიღებული საბოლოო გადაწყვეტილებით, მიმწოდებელს დაეკისრა 2,508,187 ლარის გადახდა.

ა(ა)იპ – თბილისის ზოოლოგიურ პარკს ერიცხება დებიტორული დავალიანება 197,163 ლარი, რომელიც მოიცავს წინასწარ გადახდილ სხვადასხვა გადასახადების თანხებს (დღგ-ის, მოგების და სხვა გადასახადებს). აღნიშნული თანხა გაიქვითა განხორციელებული დასაბეგრი ოპერაციების შედეგად, მიუხედავად ამისა, არ არის ჩამოწერილი.

შედეგად, მუნიციპალიტეტის კონსოლიდირებულ ფინანსურ ანგარიშგებაში „დებიტორული დავალიანების“ მუხლი არასწორად არის გაზრდილი შესაბამისი თანხებით.

მუნიციპალიტეტის კონსოლიდირებულ ფინანსურ ანგარიშგებაში მონაწილე 40 ერთეულს მოკლევადიანი დებიტორული დავალიანებების მუხლში აღრიცხული აქვს „გადასახადებიდან მისაღები შემოსავლები“, საერთო თანხით – 662,007 ლარი, რაც შეადგენს წინა წლებში ბიუჯეტში სხვადასხვა გადასახადის სახით ზედმეტად გადახდილ თანხებს. მოთხოვნების უმეტესი ნაწილის დარიცხვიდან გასულია 4 წელზე მეტი პერიოდი. მუნიციპალიტეტის მიერ დებიტორული დავალიანების მიღებასთან დაკავშირებით აქტივობები არ არის განხორციელებული, ნაშთების რეალურობის დადგენის მიზნით არ არის ჩატარებული ფინანსური მოთხოვნებისა და ვალდებულებების ინვენტარიზაცია, ასევე არ არის შედგენილი შედარების აქტები.

შედეგად, ვერ მოვიპოვეთ რწმუნება 2021 წლის 31 დეკემბრის მდგომარეობით წარდგენილ კონსოლიდირებულ ფინანსურ ანგარიშგებაში ასახული 662,007 ლარის დებიტორული დავალიანების არსებობასა და სისწორეზე.

¹ კომპანია PERMASTEELISA-ს - 706 098 ლარი და კომპანია MASIMILIANO DORIANA FUKSAS-ს - 527 824 ლარი.

² შპს „მასტერ სპორტი“.

³ დებიტორი შპს „ლეგსი“.

მიზეზი

მოთხოვნებისა და ვალდებულებების ინვენტარიზაციის ჩატარებლობა; დებიტორებთან შედარების აქტების გაუფორმებლობა; მოთხოვნების დაფარვის ალბათობის შეუფასებლობა; კონტროლის მექანიზმების ნაკლოვანებები.

გავლენა

ფინანსური ანგარიშგების „მოკლევადიანი (მიმდინარე) დებიტორული დავალიანებების“ და „სხვა მოკლევადიანი მიმდინარე აქტივების“ მუხლებში არსებული უზუსტობები.

1.2 ვალდებულებები**აუდიტის მიგნება**

მუნიციპალიტეტს კონსოლიდირებულ ფინანსურ ანგარიშგებაში მოკლევადიანი კრედიტორული დავალიანებების მუხლში ერიცხება 8,093,362 ლარი. დავალიანების თანხა მოიცავს „გადასახადებით წარმოქმნილ მოკლევადიან (მიმდინარე) კრედიტორულ დავალიანებებს“ – 1,144,118 ლარს, რაც შეადგენს წინა წლებში ბიუჯეტში სხვადასხვა გადასახადის სახით გადასახდელ თანხებს. დავალიანებების ანალიზით გაირკვა, რომ ორგანიზაციებს ბალანსზე გააჩნიათ ისეთი დავალიანებები, რომლებიც გადახდილია, თუმცა არ ჩამოწერილა ბუღალტრული ანგარიშებიდან, კერძოდ:

- ა(ა)იპ – თბილისის განვითარების ფონდს 2014-2016 წლებიდან ერიცხება კრედიტორული დავალიანებები ბიუჯეტის სასარგებლოდ (დღგ – 43,178 ლარი, მოგების გადასახადი – 50,123 ლარი, საშემოსავლო გადასახადი – 718,751 ლარი, ქონების გადასახადი – 1,135 ლარი), სულ: 813,187 ლარი.
- ა(ა)იპ – გლდანი-ნამალადევის კომპლექსურ სპორტულ ცენტრს ბალანსზე ერიცხება ქონების გადასახადი – 15,640 ლარი და დღგ – 52,133 ლარი.

როგორც გაირკვა, თანხები დაირიცხა, თუმცა არ იქნა გადახდილი, ვინაიდან ა(ა)იპ-ებს ამ გადასახადებში ზედმეტად ჰქონდათ თანხები გადახდილი, რაც ურთიერთჩათვლის შედეგად გაიქცია, მაგრამ არ ჩამოწერილა.

აღნიშნული შეუსაბამობა ძირითადად გამოწვეულია იმით, რომ არ ხორციელდება კანონმდებლობით⁴ განსაზღვრული პროცედურები და პროცესის მართვა არასწორად მიმდინარებს. კერძოდ, არ არის ჩატარებული ბალანსზე რიცხული ვალდებულებების რეალურობის შემოწმება და არ არის შედგენილი შედარების აქტები.

ა(ა)იპ – გლდანი-ნამალადევის კომპლექსურ სპორტულ ცენტრს, კრედიტორულ დავალიანებაში (ვალდებულებები) ერიცხება შპს „მასტერ სპორტზე“ გადასახდელი 322,526 ლარი, სს „თელასზე“ – 5,500 ლარი, სს „ჯორჯიან უოთერ ენდ ფაუერზე“ – 14,900 ლარი (სულ: 342,926 ლარი), რომლებიც გადახდილია 2018 წელს, თუმცა არ არის ჩამოწერილი.

კონსოლიდირებულ ფინანსურ ანგარიშგებაში გაზრდილია კრედიტორული დავალიანების მუხლი - 1,223,886 ლარით.

⁴ საქართველოს ფინანსთა მინისტრის 2010 წლის 23 ივლისის №605 ბრძანებით დამტკიცებული „საბიუჯეტო ორგანიზაციებში ქონების, მოთხოვნებისა და ვალდებულებების ინვენტარიზაციის ჩატარების წესი“.

მიზეზი

მოთხოვნებისა და ვალდებულებების ინვენტარიზაციის ჩატარებლობა; კრედიტორებთან შედარების აქტების გაუფორმებლობა; კონტროლის მექანიზმების ნაკლოვანებები.

გავლენა

მოკლევადიანი კრედიტორული დავალიანებების მუხლის არასწორად წარდგენა.

რეკომენდაცია

დებიტორული და კრედიტორული დავალიანებების ნაშთების რეალურობის დასადგენად, შეიქმნას მოთხოვნებისა და ვალდებულებების საინვენტარიზაციო კომისია. საინვენტარიზაციო კომისიამ დავალიანებების ჩამოწერის მიზანშეწონილობის თაობაზე დასკვნის მომზადებისას, გაითვალისწინოს შემდეგი კრიტერიუმები:

- იძებნება თუ არა დოკუმენტი, რომლითაც დასტურდება ანგარიშზე რიცხული დავალიანების სისწორე და შესაძლებელია თუ არა სააღრიცხვო რეგისტრებში არსებული ჩანაწერებით ზუსტად და საიმედოდ კონტრაგენტების იდენტიფიცირება და დადგენა;
- ანგარიშზე რიცხული ნაშთის წარმოშობის საფუძველი აკმაყოფილებს თუ არა აქტივის/ვალდებულების აღიარების კრიტერიუმებს;
- მოქმედი კანონმდებლობით გათვალისწინებული ხანდაზმულობის ვადები და სხვ.

**კომპონენტები, რომლებზეც
გაიცა რეკომენდაცია
შესასრულებლად**

ა(ა)იპ – თბილისის განვითარების ფონდი, ა(ა)იპ – ქალაქ თბილისის გლდან-ნაძალადევის კომპლექსური სპორტულ ცენტრი, ა(ა)იპ – თბილისის ზოოლოგიური პარკი, ქ. თბილისის მუნიციპალიტეტის მერია, ქ. თბილისის მუნიციპალიტეტის საკრებულო, ქ.თბილისის მუნიციპალიტეტის მთაწმინდის რაიონის გამგეობა, ქ.თბილისის მუნიციპალიტეტის ვაკის რაიონის გამგეობა, სსიპ – თბილისის საერთაშორისო ხელოვნების საფესტივალო ცენტრი, სსიპ – ქ.თბილისის მუნიციპალიტეტის არქიტექტურის სამსახური, ქ.თბილისის მუნიციპალიტეტის სსიპ – ქონების მართვის სააგენტო, სსიპ – ცხოველთა მონიტორინგის სააგენტო, ქ. თბილისის მუნიციპალიტეტის მერიის ა(ა)იპ – ზაქარია ფალიაშვილის სახელობის №2 ხელოვნების სკოლა, ა(ა)იპ – ქ. თბილისის მუნიციპალიტეტის მერიის ხელოვნების სკოლა „აფხაზეთი 2“, ქ. თბილისის მუნიციპალიტეტის მერიის ა(ა)იპ – ალექსანდრე ნიჟარაძის სახელობის №27 ხელოვნების სკოლა, ქ. თბილისის მუნიციპალიტეტის მერიის ა(ა)იპ – ზურაბ ანჯაფარიძის სახელობის №28 ხელოვნების სკოლა, ა(ა)იპ – ქალაქ თბილისის მუნიციპალიტეტის მერიის პეტრე ამირანაშვილის სახელობის №18 ხელოვნების სკოლა, ა(ა)იპ – ელენე ახვლედიანის სახელობის ბავშვთა სურათების გალერეა, ა(ა)იპ – ქ. თბილისის სანდრო ახმეტელის სახელობის დრამატული თეატრი, ა(ა)იპ – ქ. თბილისის მუნიციპალიტეტის გიორგი ალექსიძის სახელობის კამერული დასი „თბილისის თანამედროვე ბალეტი“, ა(ა)იპ – ქ.თბილისის მერიის საკონცერტო ორკესტრი „ბიგ-ბენდი“, ა(ა)იპ – საქართველოს ეროვნული ბოტანიკური ბაღი, ა(ა)იპ – ეროვნული სკრინინგ ცენტრი, ა(ა)იპ – თბილისის ზოოლოგიური პარკი, ა(ა)იპ – თბილისის მუნიციპალური ლაბორატორია, ა(ა)იპ – დავით თორაძის სახელობის 22-ე ხელოვნების სკოლა, ა(ა)იპ – ქ.თბილისის ფეხბურთის სპორტული ცენტრი „იმედი“, ა(ა)იპ – მოსწავლე-ახალგაზრდობის ეროვნული სასახლე, ა(ა)იპ –

მუზეუმების გაერთიანება, ა(ა)იპ – ქალაქ თბილისის მუნიციპალიტეტის მულტიფუნქციური ბიბლიოთეკების გაერთიანება, ა(ა)იპ – მუნიციპალური სერვისების განვითარების სააგენტო, ა(ა)იპ – პანტომიმის სახელმწიფო თეატრი, ა(ა)იპ – თბილისის პარასპორტის განვითარების ცენტრი, ა(ა)იპ – თბილისის საბავშვო ბაღების მართვის სააგენტო, ა(ა)იპ – სპორტული ცენტრი „ლილო“, ააიპ – ქალაქ თბილისის მუნიციპალიტეტის მერიის ილიკო სუხიშვილის სახელობის ქართული ხალხური ცეკვის ქორეოგრაფიული სკოლა-სტუდია, ა(ა)იპ – ტანვარჯიშის განვითარების სპორტული ცენტრი, ა(ა)იპ – მარინა ცერცვამის სახელობის ფიგურული სრიალის სპორტული ცენტრი, ქალაქ თბილისის მუნიციპალიტეტის მერიის ა(ა)იპ – კოტე ფოცხვერაშვილის სახელობის №7 ხელოვნების სკოლა, ა(ა)იპ – სამართლებრივი დახმარებისა და საზოგადოებრივი ჩართულობის მუნიციპალური ცენტრი, ა(ა)იპ – ჩოგბურთის განვითარება, ქალაქ თბილისის მუნიციპალიტეტის მერიის ა(ა)იპ – გიორგი ცაბაძის სახელობის №25 ხელოვნების სკოლა, ა(ა)იპ – მიხეილ იპოლიტოვ-ივანოვის სახელობის მე-6 ხელოვნების სკოლა.

1.3 აღრიცხვაში დებიტორული დავალიანებები

აუდიტის მიგნება

ქ. თბილისის მერიის საფინანსო სამსახურს, მერიის მუნიციპალური ინსპექციის და ქონების მართვის სააგენტოს მიერ არ მიეწოდება ინფორმაცია სამართალდარღვევისათვის დაკისრებული ჯარიმებისა და მოიჯარეებიდან მისაღები თანხის შესახებ. სამსახურებს შორის არასათანადო კოორდინაციის გამო, დაკისრებული ჯარიმები და საიჯარო დავალიანებები ბუღალტრულ აღრიცხვაში დებიტორულ დავალიანებად არ აღიარდება.

აუდიტის ჯგუფმა მერიის მუნიციპალური ინსპექციიდან და ქონების მართვის სააგენტოდან გამოითხოვა ინფორმაცია 2021 წლის 31 დეკემბრის მდომარეობით არსებული დავალიანების შესახებ.

მუნიციპალური ინსპექციიდან წარმოდგენილი ინფორმაციით, 2021 წელს სამშენებლო წესების და სხვადასხვა სამართალდარღვევასთან დაკავშირებით გადაუხდელი საჯარიმო თანხა შეადგენს 609,260 ლარს, რაც მუნიციპალიტეტის მიერ აღრიცხული არ არის.

ქონების მართვის სააგენტოდან წარმოდგენილი ინფორმაციით, გადაუხდელი საიჯარო ქირა (პირგასამტეხლოს ჩათვლით) შეადგენს 1,497,073 ლარს. პასუხისმგებელი პირის განმარტებით, გადაუხდელი თანხის მნიშვნელოვანი ნაწილი წარმოშობილია როგორც 2021 წელს, ისე გასული პერიოდებიდან. მუნიციპალიტეტის კონსოლიდირებულ ფინანსურ ანგარიშგებაში აღნიშნული ინფორმაცია წარმოდგენილი არ არის.

კონსოლიდირებულ ფინანსურ ანგარიშგებაში „მოკლევადიანი (მიმდინარე) დებიტორული დავალიანებების“ მუხლი შემცირებულია 2,106,333 ლარით. აღნიშნული თანხით არის შემცირებული მიმდინარე პერიოდის შემოსავლებიც, რაც გავლენას ახდენს ფინანსური ანგარიშგებაში ასახული წმინდა აქტივები/კაპიტალის მუხლის სისწორეზე.

1.4 სასაქონლო მატერიალური ფასეულობები

აუდიტის მიგნება

ქ. თბილისის მუნიციპალიტეტის მერიის 2021 წლის 31 დეკემბრის მდგომარეობით მომზადებულ კონსოლიდირებულ ფინანსურ ანგარიშგებაში „სასაქონლო მატერიალური ფასეულობების“ მუხლში არ არის წარმოდგენილი ინფორმაცია გასაყიდად გამიზნული ქონების შესახებ.

თბილისის მუნიციპალიტეტში ქონებას განკარგავს სსიპ – ქალაქ თბილისის მუნიციპალიტეტის ქონების მართვის სააგენტო.⁵ აუდიტის ჯგუფმა სააგენტოდან მოითხოვა ინფორმაცია მერიის საკუთრებაში არსებული ქონების შესახებ. მოწოდებული ინფორმაციით, 2021 წლის 31 დეკემბრის მდგომარეობით მუნიციპალიტეტს საკუთრებაში გააჩნდა გასაყიდად გამიზნული 39,965,494 ლარის აქტივი, რაც სსბას 12-ის შესაბამისად, აკმაყოფილებს „სასაქონლო მატერიალურ ფასეულობად“²⁶ აღიარების კრიტერიუმებს. მერიის ბუღალტრულ ჩანაწერებსა და ფინანსურ ანგარიშგებაში აღნიშნული ქონება არ არის აღიარებული აქტივად.

შესაბამისად, 2021 წლის 31 დეკემბრის მდგომარეობით წარდგენილ კონსოლიდირებულ ფინანსურ ანგარიშგებაში „მატერიალური მარაგების“ მუხლი არ არის გაზრდილი 39,965,494 ლარით.

ქონების მართვის სააგენტომ 2021 წელს გაყიდა მერიის საკუთრებაში არსებული 468 დასახელების სხვადასხვა სახის უძრავი ქონება (მიწები და შენობა-ნაგებობები). ქონების გაყიდვიდან მიღებულმა შემოსავალმა 81,175,859 ლარი შეადგინა. მერიას გასაყიდად გამიზნული ქონება ბუღალტრულ ჩანაწერებში არ ჰქონდა დაფიქსირებული, როგორც აქტივი და მისი ჩამოწერა არ განუხორციელებია. შესაბამისად, ქონების საწყისი ღირებულება – 67,227,413 ლარი მერიის მიერ ფინანსურ ანგარიშგებაში ხარჯად აღიარებული არ არის.

თბილისის მერიას აქტივად ასევე არ ჰქონდა აღრიცხული 125 დასახელების მოძრავი ქონება, რომლის გაყიდვიდან მიღებული შემოსავალი შეადგენს 1,373,699 ლარს, ხოლო შესაბამისი ხარჯი აღიარებული არ არის. პასუხისმგებელი პირის ინფორმაციით, მერიას ქონების შესახებ არ მიეწოდება ინფორმაცია ქონების მართვის სააგენტოდან. შედეგად, მუნიციპალიტეტი არ ფლობს ინფორმაციას საკუთრებაში არსებული და განკარგული ქონების შესახებ. შესაბამისად, ქონებას არ აღრიცხავს სტანდარტით განსაზღვრული მოთხოვნების დაცვით.

შედეგად, ფინანსურ ანგარიშგებაში არასწორად არის წარმოდგენილი ხარჯის და წმინდა აქტივი/კაპიტალის მუხლები.

⁵ საქართველოს ორგანული კანონი „ადგილობრივი თვითმმართველობის კოდექსი“, მუხლი 116.

1.5 სასაქონლო მატერიალური ფასეულობები

აუდიტის მიგნება

მუნიციპალიტეტის მერიამ საკუთრებაში არსებული 18,261,143 ლარის ღირებულების 14 მიწის ნაკვეთი 2021 წელს გაცვალა 17,019,402 ლარის ღირებულების 11 მიწის ნაკვეთზე. მერიას საკუთრებაში არსებული 18,261,143 ლარის ღირებულების ქონება ბუღალტრულ ჩანაწერებში აღრიცხული არ ჰქონდა. შესაბამისად, მისი ჩამოწერა და გაცვლის შედეგად მიღებული ქონების ძირითადი აქტივების მუხლში აღიარება არ განუხორციელებია.

შედეგად, კონსოლიდირებულ ფინანსურ ანგარიშგებაში, ძირითადი აქტივების მუხლი არ არის გაზრდილი 17,019,402 ლარით.

მიზეზი

მერიის სამსახურებსა და მუნიციპალიტეტის მიერ დაფუძნებულ იურიდიულ პირებს შორის არასათანადო კომუნიკაცია.

გავლენა

მოკლევადიანი (მიმდინარე) დებიტორული დავალიანებების, მატერიალური მარაგების, ხარჯის და წმინდა აქტივი/კაპიტალის მუხლების არასწორად წარდგენა.

რეკომენდაცია

მუნიციპალიტეტის სისტემაში აღრიცხვა-ანგარიშგების მოწესრიგების მიზნით, მნიშვნელოვანია მერიის სამსახურებსა და მუნიციპალიტეტის მიერ დაფუძნებულ იურიდიულ პირებს შორის კოორდინირებული ურთიერთობა, რაც გულისხმობს ფინანსური ინფორმაციის (მონაცემების) სრულ და დროულ მიწოდებას საფინანსო საქალაქო სამსახურისთვის. აღნიშნულის შედეგად გაუმჯობესდება ფინანსური აღრიცხვისა და ანგარიშგების შედეგის პროცესი, რაც ხელს შეუწყობს ფინანსური ანგარიშგების უტყუარ და სამართლიან წარდგენას.

კომპონენტები, რომლებზეც გაიცა რეკომენდაცია შესასრულებლად

ქ. თბილისის მერიის საფინანსო საქალაქო სამსახური, ქ. თბილისის მერიის მუნიციპალური ინსპექცია, სსიპ – ქონების მართვის სამსახური.

საკონტაქტო ინფორმაცია

გაცემული რეკომენდაციების შესრულების მონიტორინგის პროცესზე პასუხისმგებელი პირი	ბადრი ჯანჯღავა ელფოსტის მისამართი: bjanjghava@sao.ge
სახელმწიფო აუდიტის სამსახურის რეკომენდაციების შესრულების მონიტორინგის სისტემა	https://aris.sao.ge/
ვებგვერდი და სოციალური მედია	https://www.sao.ge/ https://www.budgetmonitor.ge/ka http://www.blog.sao.ge/ http://www.sai.ge/main/ https://www.linkedin.com/company/stateauditoffice/ https://www.youtube.com/user/saogeorgia https://www.facebook.com/www.sao.ge
ცხელი ხაზი	(+995 32) 243 81 81
ელექტრონული ფოსტა	sao@sao.ge

სახელმწიფო აუდიტის სამსახური
ქ.თბილისი, 0144, წმ. ქეთევან დედოფლის გამზირი N96
+995 32 243 84 38